

THRU THE BIBLE MINISTRIES**BROADCAST SCRIPT****Programme ID: n°0078****Language: Baoulé****Book (livre): Matie 5 : 29 – 5 : 45****Ndɛ ti'n****I mma 29-30**

i sɔ lele nga sɔm'ɔ be fa o lɛ'n, be nga be wo sa wie'n i ti'n su'n, be wuan be jran yalɛ'n nga sɔm'ɔ be kwla kwla'n be fa kle be wiegu'n : lalafuɛ nu'n, ɔ ti mmla kun bɔ be fa sieli lɛ kɔ yo nann ba kwla di be jɔlɛ'n i si'n yɛ sa uflɛ ba li'ɔ. anndɛ ye nvle'm be nu'n, ɔ ti mmla kun bɔ be nga be yo'o gblɛ nu sa'n, wa klo yo be wun sa ye. Ye wuan e su siesie lika wie mun, bɔ be nga bey o sa tɛtɛ mun'n ye kle be yalɛ kpa, sanngɛ i agualiɛ'n lɔ'n sa fi ɔ yo man. kɛ ngluɛmun nu'o anzɛ ndɛsua nu'o, ye wun i kɛ sa tɛ yolɛ'n ɔ tɛ wɔ i yrun asiɛ'n su. Jesus i like ng'ɔ kleli oka'n su lɔ'n, ɔ kleli like kun b'ɔ ti i n'gunmi sa sɔ su. ɔ boli i bo ɔ ni ndɛ klekle kle mun, blɛ b'ɔ se kɛ :

sɛ ɔ yi'n mma fama'n ɔ yo'ɔ nann a tɔ tɛ nu'n, bo'i, sɛ ɔ sa fama'n ɔ yo'ɔ nann a tɔ tɛ nu'n, kpɛ'i to i blo mmua lɔ. ɔ ti kpa man wɔ kɛ ɔ lika kun mli'n nann wa se kɛ ɔ bɔbɔ a wunmuan'n wa wɔ si'n fɛtɛ nu (**Matie 5 : 30**).

blɛ sunman kpa Jesus fa sa nga be kann ndɛ klekle kle mun yɛ ɔ fa kle like'ɔ, yɛ i sɔ liɛ'n ɔ yo mann, be nga be su tie'i mun be tie kpa. ɔ klua man ka mann ndɛ n'gbin'n i kanlɛ'n su, yɛlɛ kɛ Moizi i mmla nu'n ɔ tiɛ su kɛ be kpɛ be bue kun. Mi yi'n kpin su kɛ ben un kun bɔ be flɛ i kɛ Asɔnun be si mun, be sɛli'i. n'si kɛ, kɛ i sɔ liɛ'n sinli'n, ɔ su nianman bla'm be kun, sanngɛ i sɔ sa liɛ'n ɔ yo man sa

ye. Ankunnda tɛtɛ mun'n be'o lɛ blɛ kwla kwla nu, yɛ i klua bɔ yo'n be fite cɛn kun, sɛ ɔ ti man sa kun ti'n, sann ɔ yo sa kun. Mi yi'n mma nga n'bo'i ɔ ni n'ja nga n'kpɛ'n ɔ su yiman mi ayinbluɛ nga wo mi awlɛn nu'n. i kpa'n i yolɛ'n yɛlɛ mi awlɛn tɛ bɔ Jesus kɛnli i wun ndɛ'n bɔ i nu yɛ ankunnda tɛtɛ mun be fi'n, n'kannda sa ng'ɔ fi'n sran i nu'n, yɛ ɔ saci yi'ɔ. *yɛlɛ kɛ i nu lɔ'n, sran'm be awlɛn be nu lɔ'yɛ ankunnda tɛtɛ'm ɔ ni sran kunlɛ'm, ɔ ni tekle bolɛ'm ɔ ni be yi bɔ blo like su'n ɔ ni klun wi'n, ɔ ni sran lakalɛ'm, ɔ ni ayinbluɛ mun, ɔ ni ato bualɛ'm, ɔ ni be wun tulɛ'm, ɔ ni sinnzin nu sa mun. I sɔ sa tɛtɛ liɛ mun be fi'n sran'n i nu, yɛ ɔ yo mann sran ɔ yo fiɛn (Mark 7 : 21-23).*

sɛ wafa nga n'ti'n, n klua nantiman nyanmiɛn i ati'n su'n, yo, ɔ ni fata man kɛ n'yan awlɛn uflɛ b'ɔ n'srɛ nyanmiɛn i sa nu'n ; kɛ ɔ yo sɔ liɛ'n mi ankunnda mun ɔ ni mi n'yoliɛ'm bey o saun. Jesus i like ng'ɔ kleli oka'n su lɔ'n, ɔ yoli klekle, ɔ yoli i sɔ'n, kɔ yo nann wa kle kɛ ɔ ti kekke kɛ bey o nyanmiɛn i klun sa, yɛlɛ kɛ n'sa wa mian defuɛ kun wun. sannɛ sɛ mi yi'n su kekke nu'n n'se kɛ n'ɔɔɔ n klua yo nann man klua yo saun'n, wun n'su yo jra blɛ nu sa'm be nu kɛ Christ i blɛ su Asɔnunfuɛ'm ba sa.

I mma 31 : 32

N'tɛ su Matie i ndɛtre nnu'n su

Be seli anmun kɛ : « sɛ yasua kun ɔ ni i yi be ti nu'n, ɔ ni fataman kɛ ɔ kan kle'i fluwa lɛtri su », n kusu n'se anmun kɛ : sran ng'ɔ ni i yi be ti nu, sɛ wa yo man kɛ wa kunndɛ bian i bo'n, bɔ ti kɛ tekke bolɛ sa'n, yɛ sran nga ɔ ja bla kun bɔ ni i wun'n ba titi nun'n, i kusu ɔ su bo tekke wie (**Matie 5 : 31-32**).

Jesus ɔ su kan bla'm ben un yacilɛ'n i ndɛ, bla nga i wun'n wa yaci'n. kɛ nvle wie be nu'n bɔ be fa yasua'm be dunmua'n, i bue kun bɔ ye klua kaci'n i sɔ liɛ'n

ɔ nu manlɛ. Ninngue'm ba kaci man kpa, yɛlɛ kɛ, kɛ akpasua nga be flɛ be kɛ Suedois Abba be fa be toli jue'n be seli kɛ : be yili mɛn'n yasua'm be ti. Jesus i blɛ su'n, bla ni bian'n be nu titilɛ'n ɔ ti ndɛ kun bɔ Asɔnufuɛ'm be kan i ndɛ dan, yɛ be nu wie mun'n be kplin su, sa wie'm be ti. I sɔ ti yɛ Jesus kplinman i jɔlɛ tɛ nga be di'n su, wafa nga be fa yo bla mun. I sɔ sa liɛ'n ɔ man man bla'm, be fɛ'i be sie i kɛ be sa ti like wie sa. Be fɛ'i be didi i wun, yɛ kɛ be yan uflɛ'n be to'i blo. kɛ ye niann asiɛ'n su'n i sɔ sa'm be tɛ wo lɛ.

E kwla se kɛ ɔ ti Christianisme i Rɔmfuɛ'm be nu fa wlalɛ bɔ i liɛ'n, waa yoli mann, bla'n i yrun wunlɛ mɛn nu. ye wun'i kɛ junman sunman tɛ wo lɛ. sɛ ye klua se'n, Paris lɔ'n sran'm be flɛlɛ nga be flɛ telephone su'n bɔ be kann bla nga bey o be tɛtɛ be awlo'm be nu'n ɔ klua ju kpɛ ya nnun, yɛ ɔ ni sra klua klua nu'n, bla kɔ ju nsiɛn be wu. bolɛ tɛ bɔ be bo be'n ti. blɔ fuɛ'm be lɔ'n tekle bla kun bɔ sra kluaa nu'n ɔ yan sika Euro akpi nso, klɔ wie'm be su, bɔ ye flɛ be kɛ *France fɛ*.

I mma 33-37

Sa nga'm be su'n, n su mi ndɛ'n su.

Anmun tili ekun kɛ be seli ye nannan mun be kɛ : « a su saci man wɔ nda nga a tali nyanmiɛn i yrun'n, a yɛ i nuan ». n se anmun ekun kɛ nan man anmun ta nda bɔbɔ. nann anmun se kɛ : « n ta wɔ nda ni nyanmiɛn », yɛlɛ kɛ nyanmiɛn su lɔ'n ɔ ti anannganman man i tranwlɛ. Anzɛ : « Asiɛ'n ɔ ti mi lalofuɛ », yɛlɛ kɛ Asiɛ'n ɔ ti nyanmiɛn i ja taka taka wlɛ. Anzɛ kusu : « n ta wɔ nda Zeruzalɛm su » yɛlɛ kɛ ɔ ti nyanmiɛn i klɔ, famiɛn dan'n. nan man anmun ta se kɛ : « n ta wɔ nda mi ti'n su », yɛlɛ kɛ a klua kaci man ɔ ti muɛn i ble anzɛ i ufue. Anmun se kpe kɛ : « ɛɛ'yɛ » sɛ ɔ ti ɛɛ'yɛ'n « cɛcɛ » sɛ ɔ ti cɛcɛ'n. i nga bɔ ye fa gua su'n ɔ fi'n bae'n. (**Matie 5 : 33-37**).

Anannganman seli kE :

Nan man anmun ta nda tEtE mun mi dunman'n su, yElE kE, kE anmun su yo i sɔ'n anmun su yo anmun nyanmiEn i dunman'n i wanzo. N ti Anannganman (Saun yolE 19 : 12).

klɔ sran'n ɔ ti kE ɔ ti'ɔ, Zuifu mun be kpEli wafa nga be ta nda mun'n be wun, bɔ yo mann be sacili be nda kun kɔ ko yo nann sa sɔ'n wa yo man cinnjin'n. i wafa nga lE'n be kwla ta nda klua klua nga be klo'n, nann be ndE nga be kanli'n wa ciman be'n. kE ɔ yo sɔ'n wie mun'n be ta nda n'gbin ngbin, yElE kE be lE su tElE kE ndE nga be kan nann ba ta man su mmla'n ɔ ti man sulafilE su ndE. Jesus seli be nga be fia fia'n sa'm be su'n kE gblEfuE'm yE ɔ se i sɔnnzɔnfuE'm be kE nan man be ta nda. Be nga be wuan be su i su'n ɔ ni fata kE sran wunmuan mun be si be, be sEsE ti'n blE klua klua nu, yE ɔ ti mEn i su kE be ta nda sa wie su, kɔ yo nan bak le be wun kE be ti kpa. Jesus su kle sa nanndoliE'm bɔ ti ndE nga fa be wlE sa'm be nun'n, yElE kE be kanli nyanmiEn yrun'n bɔ wo nglo lɔ ni AsiE'n su'n.

I mma 38-39

anmun tili kE, kE be seli kE : « be yinma ni be yinma, be je ni be je ». yE n kusu n'se anmun kE : nan man anmun jran sran nga ɔ klo kE ɔ yo anmun sa i yrun. sE sran kun kpaci ɔ yrun kpa'n su, fa bue kun'n mEn'i ekun (**Matie 5 : 38-39**).

Jesus kan ndE kun bɔ, ɔ wa fa fa yiya sa n'zɔliE nsan be nu. blE bɔ mmla'n ɔ fa jajalE'n fa sieli lE'n. *be yinma ni be yinma, yE be je ni be je*, kɔ ko yo nann sa klekle nga be ju'n bɔ yo man be kun sran ya'n b'a kpE be si'n ti. jɔlE dilE'n ɔ ni fata kE ɔ yo sa tE kun i ti liE. Mmla nga'n, ɔ wo IzraEl nvle'n be siesielE'm be nu yE ba fa man man kE be fa tu be klun ngbɔ, kpEkun mmla'n ɔ ni fata kE ɔ be yE i nuan nan nan man siefuE'm be si nu. sanngE sa sɔ'n i bo'n, Zuifu mun be fa be

s'm be fa fia kɔ ko yo nann ba tu be klun ngbɔ'n ti, i sɔ sa liɛ'n ɔ ti mmla'n i yrun sa uflɛ. Anannganman seli kɛ yɛ n kanngan :

*A su tu man a klun ngbɔ yɛ a su fa man ɔ vle nun fuɛ mun be wun sa su sie man wɔ klun, sanngɛ a klo wɔ wiegu kɛ a fa klo ɔ wun sa. N ti Anannganman (**Saun yolɛ 19 : 18**).*

I wun su ndɛ kun wo Aenguɛ uflɛ nu, n kanngan :

*Nan man anmun tɛ sa tɛ'n su ni tɛ'n. mi jawunvuɛ mun nan man n mun bɔbɔ an tu anmun klun ngbɔ, sanngɛ an mun yaci nyanmiɛn i ya'n lɛman ɔ di i junman, yɛlɛ kɛ ɔ ti klɛwa kɛ : mi yɛ jɔlɛ dilɛ'n wo mi sa nu'ɔn ; mi yɛ n man sran kun i mma ng'ɔ ti i liɛ ni-ɔn (**Rɔmfuɛ mun 12 : 17-19**).*

Jesus su wla i sɔnnzɔn fuɛ mun be fanngan kɛ nan man be ya tɛ i nuan ni tɛ, sanngɛ be tɛ su ni sa kpa'n i yolɛ. I liɛ kle kɛ : *fa ɔ yrun'n i bue kun'n fa mɛn'i.* be yrun nu kpacilɛ i nzɔliɛ'n, bɔ kle n zowa kpɛlɛ'n, ɔ ti ye wafa nga ye ni e mangu mun ye fa tran'n. Jesus su flɛ be nga be su i su'm be kɛ nan man be tɛ sa nga bey o be'm be su, sanngɛ be ka sa kpa'n i yolɛ'n su. nantilɛ wafa kɛ nga sa'n, Sɔnnzɔnfuɛ'n ɔ kle wafa nga i sunnzunlɛ ɔ ni i kpa yolɛ'n ɔ fi'n nyanmiɛn yɛ ɔ ni sran ng'ɔ su kle i yalɛ i nzuɛ'n fa ti'n. jajalɛ nyɔn nga'm *be klun ngbɔ bɔ be tu man'n yɛ nan man be fa aya'n* ba kaci man e blɛ nga nu yɛ ɔ ni fata kɛ ɔ tinngɛ asɔnnunfuɛ'm be n'vialiɛ nu nguan'n su. I sɔ jajalɛ'm be ti man nvle nu mmla'm bɔ ni fata kɛ ɔ fa mmla kun bɔ ti ke kle'n ɔ ni yrun bɔ lɛ'n.

I mma 40-42

N tɛ su i su.

Sɛ Sran kun wuan ɔ di wɔ jɔlɛ kɔ yo nann wa fa ɔ tralɛ'n, mɛn'i ati'n nan ɔ fa wɔ ningue'm wie. yɛ sɛ sran mian wɔ fi'i kɛ a sua trɔ wie ati'n cilo mɛtri kun

su'n, suan fa ju cilo mɛtri nyɔn su an ni yi. Sran ng'ɔ srɛ'ɔ like fa mɛn'i, nan kpɛ wɔ si'n si sran ng'ɔ srɛ wɔ like'n (**Matie 5 : 40-42**).

Jesus dunmua kleli like seli kɛ, ɔ ni sran'm be tranwa i nu'n, nan man Asɔnnunfuɛ'n ɔ tɛ sa tɛ'n su ni tɛ'n, bɔ yili i nglo ɔ ni be yrun nu kpacilɛ'n su. Sa nzɔliɛ nyɔn nga be wo yɛ'n, tralɛ ni trɔ bɔ be sua'n, ɔ kle ye i klikli su ye wafa nga ye fa tran ye ni ye wiengu mun'n, yɛ i wienu kusu'n ɔ ni ye siefuɛ nga be'o lɛ'm. tralɛ'n ɔ kle like kun bɔ mian ye sa blɛ klua klua nu'n. Izraɛl lɔ be siefuɛ'm be mmla nu'n, Moizi klɛli i kɛ :

*sɛ a fa sran kun i tralɛ kɛ asubo like sa'n, fa mɛn'i ka nann wia wa tɔ, yɛlɛ kɛ yɛ ɔ ti i like kunngba bɔ fa kɛtɛ i su ni-ɔn ; i wienu kusu'n nzu yɛ ɔ fa kata i wuɔn ? sɛ ɔ kpan ɔ flɛ mi'n, n tɛ i su, yɛlɛ kɛ n ti anwunfuɛ sifuɛ (**tulɛ 22 : 24-26**).*

Sa nzɔliɛ nga su'n, Jesus su mian i sɔnnzɔnɔfuɛ'm nann be yin yi be siefuɛ mun. jɔlɛ tɛ nga be fa be di ye'n ye ninngue be yo wa be nu'n kɛ avie be walɛ sa'n ɔ ni sran'm be mian mian lɛ be like falɛ su'n, be ti man like kpa kun bɔ ye jran su e tu e klun ngbɔ, sran sunman kpa be ti be bɔbɔ be wunndɛ kanfuɛ'n kpa kpa'm, be se be wun kɛ be ti saun nyanmiɛn yrun kpɛkun be wɔ Asɔnnu kanngan. sanngɛ be ni sran'm be nantilɛ nu'n, be awlɛn'n ti yɛbuɛ awlɛn, kpɛkun be ti sa klekle yofuɛ. Sa wafa kɛ nga sa su'n, Jesus se kɛ : *nan se'i kɛ nan man ɔ fa wɔ ninngu'n.*

Sa nzɔliɛ nsan su nga nyanmiɛn'n su kle'n, ɔ kan siefuɛ'm be ndɛ. Rɔm lɔ soja'm ni junman difuɛ'm, be lɛ i wun ati'n kɛ be se sran nga be klo'n kɛ ɔ sua be trɔ'm. Jesus se i sɔnnzɔnɔfuɛ'm be kɛ be wɔ lele be tra kan nga be kleli be kɛ be ju'n be su. kpɛkun ndɛ nga'n ɔ wie ni fanngan wlalɛ ndɛ nga bɔ ti man i su'n : *nan jran klunwifuɛ'n i yrun.* Sa tɛtɛ yofuɛ'm be yrun ni sran nga be de sran'm be like wunmiɛn su'n, ɔ ni fata kɛ Asɔnnunfuɛ'n ɔ fa i yrun i bue kun'n fa sie lɛ i sa kpa

i yolɛ nu. jɔlɛ dilɛ tɛ'n i yrun'n, ɔ ni fata kɛ ye kplin su lɛ sɔ. siefuɛ'm be mmla'n i bo'n, ɔ ni fata kɛ ye mian ye yin kpa nan e yo i nga bɔ ti cinnjin'n. Jesus su wla be nga be wuan be su i su'n nan be wɔ kan nga be seli be kɛ be ju'n nan be tra su. Christ ɔ ti like bɔ kunndɛ kɛ ɔ kaci ninngue nga be sieli be'm laa. lɛ'n ɔ kle kɛ ɔ ni fata kɛ e sasa e wun sika i wun yɛ ɔ fata kɛ ye si sika'n i wafa nga ye klo'n, ɔ ni ninngue nga ye klo'n ɔ ni sran nga ye kunndɛ kɛ ye fa mɛn'i. blɛ b'ɔ jesus su ujɔ'n, ɔ su bu be nga be ti yalɛfuɛ'm bɔ be su kunndɛ kunndɛ di'n, bɔ be guali be blo'n. ɔ kunndɛ kɛ i sɔnnzɔnfuɛ'm be cɛ be ninngue'm be ni be nga be lɛ man wie'n, i li yɛ asɔnnun uflɛ'n ɔ wa yo ni-ɔn bɔ be kɛn i wun ndɛ Sa nga be yoli fluwa nu'n, sanngɛ kusu man ɔ ti klɛwa Pɔl i fluwa'm be nu. Asɔnnunfuɛ mun be yoli sa nzɔliɛ sunman kpa, yɛlɛ kɛ nyanmiɛn i klolɛ nga bɔ fa kloli be'n ɔ wo be nu. be wun klolɛ'n ɔ ti Asɔnnunfuɛ'm be nzuɛn, anmun klua wlan wlan Indien'm be vle nu nann anmuan wun i nuanwlɛ kpa.

I mma 43

N su ndɛ su.

Anmun tili kɛ be seli kɛ : « a klo ɔ wiegu yɛ a kpɔ ɔ kpɔfuɛ » (**Matie 5 : 43**).

Mmla'n kle kɛ ye kl oye wiegu kɛ e fa klo e wiegu sa. Sanngu kusu man'n e su kunndɛ fluwa nga nu bɔ be klɛli i kɛ be kpɔ be kpɔfuɛ'n. Asɔnnunfuɛ wie mun'n be manli be wun blɛ be kleli like i sɔ like kpɛkun be kpɛli i nga bɔ kan Zuifu mun be klo lɛ i ndɛ'n i si'n. i kusu Moizi i mmla'n se kɛ :

Anmun kusu, anmun klo an mun nu aofuɛ mun, yɛlɛ kɛ anmun kacili aofuɛ Ezypt lɔ (mmla mun 10 : 19).

Be wun klolɛ i su ndɛ tɛ sɔ'n, ye klua se kɛ ɔ fi'n Zuifu nga be'o nzue uwa'n i wun lɔ'n nu, yɛlɛ kɛ ye kanngan ndɛ nga fluwa be nu : *anmun klo be nga bɔ kpali*

be mun, Zuifu mun, be nga bɔ wa fa man be'n be kpɔɛ, be nga be si man nyanmiɛn mun. ndɛ nga ɔ ni nga asɔnun fluwa'm be kan'n ɔ ti man kun.

I mma 44

N tɛ su ndɛ su

N kusu n se anmun kɛ : anmun klo anmun kpɔfuɛ mun yɛ anmun srɛ nyanmiɛn be man be nga be kle anmun yalɛ mun (**Matie 5 : 44**).

klolɛ nga Jesus su srɛ be'n, ɔ nun man man ye ningue nga ye klo be'm be su, sanngɛ ɔ ti sa kpa kun i yolɛ. ɔ ti man i su kpa blɛ klua nu'n ye ni be nga e ankunda ti kun'n yɛ e tran'ɔ, sanngɛ e klua sunnzun kpa kɛ ye klo be. Jasi'n uflɛ wie nu'n, Jesus kan klolɛ i wun ndɛ wafa uflɛ kun ekun ɔ se kɛ :

*anmun kpa nga bɔ anmun su tie mi'n, i nga n'kan kle anmun yɛ : anmun klo anmun kpɔfuɛ mun ; be nga bey o anmun fin fin'n anmun yo be kpa ; anmun srɛ suralɛ'n ng'ɔ fi'n nglo lɔ'n be man sran nga be kpɔ an mun'n ; anmun srɛ nyanmiɛn be man sran nga be kan anmun wun ndɛ'm. anmun kusu'n anmun klo an mun kpɔfuɛ mun, anmun yo be sa kpa, yɛ anmun man be like yɛ nan man anmun bu i si'n (**Lik 6 : 27-28, 35**).*

Sran nga bɔ lafi nyanmiɛn su'n i liɛ'n, i kpɔfuɛ be klolɛ liɛ'n, ɔ kle kɛ ɔ ti'a bɔ be tu be klun ngbɔ, sanngɛ i kusu man'n be yo sa kpa be man be, i cinnjin'n, e yo nan ɔ si nyanmiɛn i klolɛ'n bɔ yili i nglo Jesus-Christ nu'n.

I mma 45-48

N wie ndɛtre nga'n i kanngan.

I ɔ ti'n anmun nanti kɛ anmun nyanmiɛn i mma'm be sa, yɛlɛ kɛ i bɔbɔ'n ɔ fɛ i wia fa kpaja sran'm be klua be su, yɛ ɔ tɔ nzue man sran nga be ti sɛsɛfuɛ'm ɔ ni be nga be ti man sɛsɛfuɛ'm be su. sɛ anmun klo sran nga be klo anmun'n, an mun

wa kundɛ mo nga lɛ su ? gua bo sika defuɛ'm be yo mann i sɔ sa liɛ'm be wie ? sɛ anmun yo mann anmun nianman mun be like'n, nzu like kpa yɛ anmun yoli'ɔ ? be nga be si man nyanmiɛn mu'n be yoman i sɔ sa liɛ'm be wie ? anmun si bɔ wo nglo lɔ'n ɔ ti sɛsɛfuɛ. Anmun kusu anmun yo sɛsɛfuɛ kɛ i sa (**Matie 5 : 45-48**).

Jesus su kundɛ kɛ ɔ kaci gblɛ nu sa'm be yolɛ'm yɛlɛ kɛ ɔ ti Zuifu mun be n'yoliɛ i blɛ sɔ nu, Asɔnnufuɛ'm be ninngue nga be kle be'n be su i sɔ sa'n su. kɛ bɔ ye klua yoman sɛsɛfuɛ'n e bɔbɔ e yrun'n, i sɔ'n yɛ ɔ yo mann ye wun Christ i su sufufɛ kpa ni-ɔn. ye bɔbɔ e sɛsɛ'n ɔ klua tra man Palestine lɔ fuɛ'm be liɛ'n, sanngɛ'n nyanmiɛn i like ng'ɔ srɛ ye'n ɔ ti wafa nga bɔ i bɔbɔ ɔ ti'n, sɛsɛfuɛ nsan. Sa nga bɔ Jesus i su sufufɛ ɔ ti'ɔ be kundɛ'n ɔ wo nglo nglo yɛ ɔ'o like klua be ti'n su. nyanmiɛn i jɔlɛ dilɛ ng'ɔ di'n ɔ kundɛ nyanmiɛn sufufɛ'm be ninngue kpa'm be yo lɛ'n, i sa'm be yolɛ be nu, i ijɔlɛ'm be nu, ɔ ni i ankunnda mun.

Like Jesus kleli oka'n su lɔ'n, wuan yɛ ɔ klua jran nglo'ɔ bɔ klua se kɛ i liɛ ɔ ti man sɛsɛfuɛ'ɔ ? ngluɛlɛ ndɛ nga, kɛ be bu be wun kɛ be klua fa Christ i ndɛ'm be wunmuan su nann ba fɔnman'n. ɔ ni fata kɛ ye nian e wun nyanmiɛn i like klelɛ niannun nu yɛ ye wun e fanngan bɔ e lɛ man'i wawɛ nu'n. be nga be lafi man Jesus su'n ɔ ni fata kɛ be wun Christ bɔbɔ i we'n kpa i ninngue'm be yo wa'm be nu ɔ ni i nuanwlɛ'm be nu, ɔ ni be nga be se be wun kɛn be ti Christfuɛ'n be ijɔlɛ ngbin ngbin mun ɔ ni be gblɛ mun be nu. kpalɛ sunman be bu be wun sɔ, yɛlɛ kɛ be yoli be batɛ mun be kanngan nu yɛ be wɔli Asɔnnun kan be klo'n blɛ kan wie nu bɔ be tɛ wɔ bɔbɔ'n, sanngɛ nann ninngue nga lɛ mun yɛ ɔ kle kɛ ye ti Asɔnnunfuɛ kpa'ɔ. ndɛ kanlɛ tinndin nga nu'n, Jesus seli kɛ nyanmiɛn su lɔ mmla'n ɔ kpɔman be ti, sanngɛ ɔ ya Moizi i mmla'n be nuan. ɔ wa kplin man i

nga bɔ Asɔnnunfuɛ'm be su kan'n su yɛ ɔ fali nyanmiɛn liɛ ng'ɔ kunndɛ fa sieli be yrun : sa kpa i yolɛ'n bɔ i Nzɔliɛ yɛliɛ be wiegu klolɛ'n. sa nzɔliɛ nsiɛn nga lɛ'm be su'n, Jesus sieli ninngue'm be dɔ su sɛ ye klua kan sɔ'n. ɔ kpinman sa wafa nga sran'm be fa kan be'n be su bɔ ti be n'yoliɛ titi'n, bɔ yi klɔ sran'm be awlɛn be nu sa tɛtɛ mun'n, bɔ yɛliɛ ya falɛ'n, ankunda tɛ'm, bla'm bɔ be dunmua'n, tinngɛliɛ bɔ nu man lɛ kun'nbe yi bɔ wo klun gbɔ tulɛ'n su'n ɔ ni sran kpɔliɛ'n.

sanngɛ Jesus wuan, Moïzi mmla i nu cinnjin'n yɛliɛ be wiegu'm be klolɛ ; n'yoliɛ kpa'n yɛ ɔ ti yɛ man be bu kun i kɛ ɔ ti sinnglifɛ, be nian bla kɛ like bɔ be su wa fa kaci be liɛ'n sa, be wiegu lakalɛ ɔ ni nda tɛtɛ'm be talɛ'n su. ɔ ti kpa kɛ ye bisa e wun kɛ : sɔ lele ng'ɔ fa ju andɛ yɛ'n ɔ ni like bɔ Jesus kleli oka'n su lɔ'n su, ni fan yɛ n wo'ɔ ?